



VANJSKOTRGOVINSKA KOMORA BOSNE I HERCEGOVINE
СПОЉНОТРГОВИНСКА КОМОРА БОСНЕ И ХЕРЦЕГОВИНЕ

KABINET PREDSEDNIKA I POTPREDSJEDNIKA

Broj: 01-4-03-50-443-3-2/22

Sarajevo:21.04.2022.godine

VIJEĆE MINISTARA BOSNE I HERCEGOVINE

N/r g-din Zoran Tegeltija, predsjedavajući

**MINISTARSTVO KOMUNIKACIJA I TRANSPORTA
BOSNE I HERCEGOVINE**

N/r G-din Vojin Mitrović, ministar

MINISTARSTVO FINANSIJA I TREZORA BOSNE I HERCEGOVINE

N/r G-din Vjekoslav Bevanđić, ministar

**MINISTARSTVO VANJSKE TRGOVINE I EKONOMSKIH ODNOSA
BOSNE I HERCEGOVINE**

N/r G-din Staša Košarac, ministar

MINISTARSTVO SIGURNOSTI BOSNE I HERCEGOVINE

N/r G-din Selmo Cikotić, ministar

MINISTARSTVO CIVILNIH POSLOVA BOSNE I HERCEGOVINE

N/r G-dja Ankica Gudeljević, ministar

**PREDMET: Zaključak Odbora Udruženja međunarodnih cestovnih prijevoznika tereta
Vanjskotrgovinske komore Bosne i Hercegovine – dostavlja se.**


Poštovani,

U prilogu ovog akta, dostavljamo Vam Zaključak Odbora Udruženja međunarodnih cestovnih prijevoznika tereta Vanjskotrgovinske komore Bosne i Hercegovine, br. 03-50-1158-3/22 sa hitne, 99. elektronske sjednice Odbora Udruženja.

Zaključkom Odbora Udruženja upućuje se apel i zahtjeva hitno rješavanje dugih zadržavanja i zastoja na graničnim prijelazima sa Republikom Hrvatskom.

U očekivanju punog razumijevanja i prioritarnog rješavanja iznesenog u predmetnom Zaključku Odbora Udruženja, unaprijed Vam zahvaljujem i srdačno Vas pozdravljam.

S poštovanjem,



PRILOG:

- Zaključak Odbora Udruženja br. 03-50-443-3/22

Dostavljeno:

- Naslovu,
- a/a





VANJSKOTRGOVINSKA KOMORA BOSNE I HERCEGOVINE
СПОЉНОТРГОВИНСКА КОМОРА БОСНЕ И ХЕРЦЕГОВИНЕ
SEKTOR ZA TRANSPORT I KOMUNIKACIJE

UDRUŽENJE MEĐUNARODNIH CESTOVNIH PRIJEVOZNIKA TERETA (AIRH)

PRILOG 99.1.

Branislava Đurđeva 10 - 71000 SARAJEVO

- Odbor Udruženja -

Broj: 03-50-443-3/22

Sarajevo, 21.04.2022.godine

Na osnovu člana 18. Pravilnika o organizaciji i radu Udruženja međunarodnih cestovnih prijevoznika tereta, Odbor Udruženja međunarodnih cestovnih prijevoznika tereta na svojoj hitnoj, 99. elektronskoj sjednici, razmatrajući primjedbe prijevoznika i činjenice o stanju na graničnim prijelazima sa Republikom Hrvatskom, jednoglasno je usvojio sljedeći:

ZAKLJUČAK

I

Odbor Udruženja upućuje apel i ukazuje da je postojeće stanje na graničnim prijelazima sa Republikom Hrvatskom nepodnošljivo, da su kilometarske kolone vozila ispred graničnih prijelaza neprihvatljive, da je zadržavanje ogromnog broja vozača u tim kolonama po cijeli dan i noć na otvorenim putevima nehumano i nedopustivo, te zahtjeva hitno djelovanje Vijeća ministara Bosne i Hercegovine kako prema nadležnim organima, upravnim jedinicama i službama u Bosni i Hercegovini, tako i prema nadležnima u Republici Hrvatskoj i Europskoj komisiji.

II

Odbor Udruženja naglašava da prijevoznici nemaju namjeru preuzimati robe i repromaterijala da bi ih skladištili ispred graničnih prijelaza u zaustavljenim vozilima, jer su vozila namjenjena za transport a ne za skladištenje robe zbog evidentnog nerada i nedjelovanja nadležnih organa i službi.

III

Odbor Udruženja odbacuje bilo kakvu odgovornost za individualne postupke prijevoznika, kao i eventualne poremećaje u lancima snadbjevanja, koji se mogu očekivati kao posljedica nedjelovanja i nebrige nadležnih, kao i nerada i bezperspektivnog stanja na graničnim prijelazima sa Republikom Hrvatskom.

IV

Traži se od Sektora za transport i komunikacije Vanjskotrgovinske komore Bosne i Hercegovine da u skladu sa aktima Vanjskotrgovinske komore Bosne i Hercegovine, osigura dostavljanje ovog Zaključka Vijeću ministara Bosne i Hercegovine, Ministarstvu komunikacija i transporta Bosne i Hercegovine, Ministarstvu vanjske trgovine i ekonomskih odnosa Bosne i Hercegovine, Ministarstvu sigurnosti Bosne i Hercegovine, Ministarstvu finansija i trezora Bosne i Hercegovine i Ministarstvu civilnih poslova Bosne i Hercegovine.

Predsjedavajući sjednicom Odbora:

Jovo Cvijić